

人物

扶輿靈淑之氣鍾毓人材不限以地故十室之邑必有忠信歷觀史冊其處爲良士出爲名臣經綸才智卓然足以表著者胥得指其里居詳其行實俾後世流連慨慕焉蓋川阜嶽貢地不乏材士君子立身行道猷爲旣著自不與草木同腐所謂鄉先生祀於其社者一代之材卽人倫之表後之人觀感興起知士不虛附名不虛立激勸風勵良非淺鮮矣高平山水秀傑代有偉人銓綜於冊三管書分千秋論定寧止爲閭閻勲庸之觀美

高平縣志

卷之十三

人物

乎志人物

漢原臣周大夫原伯魯之後官谷口令稱循良子孫遷陽城襄敏公傑其裔也

陳龜字叔珍上黨泫氏人家世邊將便習弓馬雄於北州龜少有志氣永建中舉孝廉五遷五原太守永和五年拜使匈奴中郎將時左部亂龜以單于不能制下促令自殺坐徵下獄免後再遷京兆尹時三輔豪強多侵枉小民龜勵威嚴平理怨屈郡內大悅會羌胡寇邊桓帝以龜世知邊俗拜爲度遠將軍龜臨行上疏言前涼州刺史祝良多所糾罰太守令長貶黜將半寔應巖異以

勸功能又宜更選旬奴烏桓護羌中郎將校尉除并涼  
二州今年租更寬放罪隸埽除更始帝覺培乃更選留  
并刺史自營郡太守都尉以下多所革易下詔為陳將  
軍除并涼一年租賦以賜吏民龜既到職州郡震懾鮮  
卑不敢近塞省息經用歲以億計大將軍梁與與龜素  
有隙譖其沮毀國威挑取功譽不為胡虜所畏徵還遂  
乞骸骨歸田里復徵為尚書上書言與罪狀請誅之帝  
不省自知必為與所害不食七日而死西域胡夷并涼  
民庶咸為舉哀弔祭其墓

晉虞溥為鄱陽內史多惠政有白鳥來集

高平縣志

卷之十三

人物

二

郗鑒少孤貧躬耕力學以儒著名仕晉不憚權逆面折王  
敦之奸討平錢鳳與祖約蘇峻同功累進太尉以疾乞  
休卒贈太將軍謚文中

北魏徐招少好法律仕元魏以功進爵為侯莊帝以為行  
臺左丞爾朱兆執招械送洛陽仲遠數招罪欲斬之招  
曰不虧君命得罪為幸仲遠義而釋之

卜冀州安東將軍李崇客也高祖南征崇副咸陽王禧都  
督左翼諸軍事徐州降人郭陸聚黨作逆冀州奉崇命  
往見陸詐稱犯罪逃亡願歸明主陸納之為叅謀數月  
斬陸賊徒潰散事在崇傳

蔡襲仕後魏爲齊安郡守從孝武西遷賜爵平舒縣伯岐  
雍二州刺史循良忠盡所在有聲嘗迎孝武於涇關以  
功封長鄉縣伯累遷司馬所得祿秩盡散於宗族及卒  
家無餘財

後周李賢字賢和其先隴西成紀人祖斌襲領父兵鎮高  
平遂家焉魏孝莊時屢乘危險立戰功宇文泰西征賢  
與弟遠穆等密應之以功授都督復敗豆盧狼及莫折  
復熾授原州刺史賢雖少從戎旅頗嫻政事所至甚得  
民和加授驃騎大將軍開府儀同三司先時與宇文泰  
齒讓而坐至原州令賢備儀服以諸侯遇禮相見進爵

高平縣志

卷之十三

人物

三

河西郡公後以弟子植被誅坐除名尋復官爵遷河州  
總管卒贈柱國大將軍謚曰桓子端開府儀同三司從  
平齊戰歿追封襄國公謚曰果賢弟遠幼有器局魏正  
光末與宇文泰親遇封安定縣伯佐泰圖高歡有功拜  
大將軍除尙書左僕射遠辭曰遠秦隴匹夫才藝俱爾  
平生念望不過一郡守尙書僕射位居端揆今以賜授  
適重其罪明公若欲全之乞寢此不許孝閔踐祚進爲  
柱國大將軍遠子植爲司錄叅軍謀誅宇文護護並遠  
殺之植弟基尙主位至上柱國

蔡祐字承先其先陳留人曾祖紹爲夏州鎮將徙居高平

因家焉初爲齊安郡守魏孝武西遷拔歸賜爵平舒縣伯除岐憂二州刺史助宇文泰屢建殊功矢可著三百步與高歡戰邽山披明光鐵鎧所向無前敵呼曰此鐵猛獸也避之尋除開府每戰還諸將爭功祐一無所競泰每曰承先口不言功孤當代之論叙性節儉所得祿悉散宗黨卒之日家無餘財贈大將軍謚曰莊

按蔡祐通志府志舊志俱載入孝行謂其事親孝屋側產雙芝人以其爲孝感仕魏爲都督兩傳合觀其時同其事亦畧同似卽一人故附之

田弘字廣畧少慷慨志立功名魏永安中陷於万俟醜奴

### 高平縣志

### 卷之十三

人物

四

後自原州歸魏以逆孝武功封鶉陰縣子三年進爵爲公授原州刺史爲勲望兼至以衣錦榮之弘每臨陣摧鋒直前身被一百餘矢破骨者九馬被十稍朝廷壯之保定元年出爲岷州刺史弘雖武將而動遵法式百姓安之建德二年拜大司空遷少保卒子恭嗣大象末位

### 至柱國

唐李亮唐宗裔官將仕郎祖興朝散大夫趙州平棘縣令父備上柱國有碑銘曰蒞祭製五城之錦宣威靜萬里之邊將仕郎亮幼承庭訓達禮通詩游習修常恭行孝弟情欽澹泊不事浮華隱德山泉求從散職年六十有

七終於私第開元十四年二月葬於縣東北十五里之  
甸其碑文闕名

宋張維則幼修飭不苟同流俗試大理寺直驍騎尉以直  
諫聞中外受知於上景祐四年提典五房公事歷主客  
司郎中知晉州軍事入謝賜紫衣金魚袋

段保當宋行講武之制以騎射異等拜爵屢捍邊關嚴號  
令繕甲兵築城壘修屯田遇征討則脩前驅授景陵衛  
指揮使子孫世襲

王友直字聖益幼從父佐遊志復中原聞金主亮渝盟乃  
結豪傑謂之曰權所以濟事權歸於正何害於理卽矯

高平縣志

卷之十三

人物

五

制自稱河北等路安撫制置使以其徒王任爲副使徧  
諭州縣勤王未幾得衆數萬制爲十三軍置統制等官  
以統之進攻大名一鼓而克撫定衆庶諭以紹興年號  
遣人入朝奏事未幾自壽春來歸詔以爲忠文都統制  
淳熙四年賜第中都年六十一卒

金張奕字彥微以蔭補官仕齊爲歸德府通判齊國廢偵  
知有兵二萬在郡將謀爲亂約夜半舉燎相應預選市  
丁校兵結陣要巷閉小南門以示生路亂不得作比明  
亡匿畧盡擒首惡誅之會都統完顏魯捕兵至欲根株  
餘黨奕保以闔門遂止承制除同知歸德尹事天眷元

年以河南歸宋改同知沂州防禦使事三年復取河南  
授汴京副留守歷陳秦二州防禦使同知太原尹晉寧  
軍報夏人侵界諱徑徑之至境按籍各歸所侵土而還  
奏言折氏世守麟府以抗夏人本朝有其地遂以與夏  
夏人平折氏邱隴戮其屍折氏怨入骨髓而不得報今  
復使守晉寧故激怒夏人使爲鼠侵而條上其事欲開  
邊釁以洩私仇耳今獨可徙折氏他郡則夏人自安朝  
廷從之移折氏守青州正隆間同知西京留守事遷河  
東北路轉運使大定三年徵爲戶部尙書甫視事得疾  
卒

高平縣志

卷之十三

人物

六

李森異次子字彥寔工詩年十八宋時澤州發解第一補  
萊州文學金天會間歲大飢斗米千錢餓殍載道森出  
粟千斛賑之活者甚衆或曰易此可得數千緡森笑曰  
活人數千不愈於數千緡乎途遇行旅二人病卧垂死  
掖至家醫治全愈皆感泣而去時盜賊接境森諭其渠  
長曰汝等止可取財萬勿殺人皆羅拜而去邑人多服  
其德

李曼森長子以能賦稱大定三年登第任隰州軍事判官  
政尙平易號稱循良長子伯疇高材能文善騎射次子  
中立明昌二年登第歷政平化平秀容三縣令考績

天下最終河東令鹽鐵判官

李晏字致美森次子性警敏倜儻尙氣皇統六年登經義進士第調岳陽丞再轉遼陽推官歷中牟令會海陵營汴京運木於河經三門之險前後失敗者衆晏領之乃馳自行臺散木投水使取於下流人便之艱起補尙書省令史辭去授衛州判官世宗素識其名召爲翰林詣閣謝慰勞甚至尋除西京留守世宗謂近臣曰翰林舊人少新進士類不學詔赦册命之文鮮有能者可選外任有文學之士爲之因舉晏曰晏吾所自識於是召爲翰林直學士一日召晏讀新進士策至縣令闕員問曰

高平縣志

卷之十三

人物

七

朕思此未知所出對曰國家設科取士始分南北兩選北選百人南選百五十人後南北止設詞賦一科每舉限六七十人故闕員也詔後取人莫限以數擢吏部侍郎兼御史中丞會朝士以病謁告世宗疑其詐謂晏曰卿素剛正今謀詐病以宰相親故畏而不糾耶晏跪對曰臣雖老平生所恃者誠與直耳百官病告監察當視臣爲中丞官吏私則當言之病而在告此小事臣容有不知其畏宰相何圖焉旣出目送之曰晏年老氣猶未衰初遼王撥賜戶民俾輸稅於錦州龍宮寺歲久皆以爲奴有欲訴者害之烏中晏具奏僧不殺生况人命乎

遠以良民爲二稅戶不道之甚男女雜沓於僧人中亦未便世宗怒呼辨再三獲免者六百餘人世宗不豫命宿禁中一時詔册皆晏爲之章宗立畫十事一風俗奢借宜定制二禁游手三宜停鑄錢四免上戶管庫五宜典禮樂六量輕租稅七減鹽價八免監官賠納虧欠九有司尙苟且乞申明經久遠圖十禁網稍密宜尙寬大又奏乞待制修撰官更直進講陳言文字以廣視聽二年授沁南節度久之致仕復起爲昭義節度明昌六年歸老詔除其子仲畧左司員外郎爲澤州刺史以便侍養承安二年卒年七十五謚文簡

高平縣志

卷之十三

人物

八

李侂畧字簡之晏子聰敏力學登大定十七年詞賦進士第調五臺主簿母服闋轉韓州軍事判官遷晉城令補尙書省令史除翰林修撰兼太常博士改授左司都事爲夏讓册官遷權領左司嘗奏事退上顧謂侍臣曰仲畧精神明健如俊鶻脫帽又曰李仲畧健吏也尋轉員外郎特授澤州刺史夙便備父疾先是晏領沁南軍節度儉澤於懷爲文郡父子相繼鄉人榮之父喪免起爲戶部郎中奏田疇救其求不若正其本所謂本者厚風俗去冗食養財用而已厚風俗在乎立制度禁奢借去冗食在乎墾力農御游惰養財用在乎廣儲蓄時欽敬



商賈不通難得之貨工匠不作無用之器則下知重本  
重本則末抑矣又條陳制度之宜上嘉納之俄授翰林  
直學士兼前職命充經義讀卷官上問曰有司謂經義  
不若詞賦罷之何如奏曰經乃聖人之書明經所以適  
用非詞賦比乞自今以經義進士爲考試官庶得碩學  
之士上可其奏改吏部郎中遷侍郎兼翼王傅俄兼宛  
王傅時知大興府事紇石烈執中坐贓命鞠之罪當制  
解權要競言太重奏曰教化之行自近者始京師四方  
之則郡縣守令無慮數百此而不懲何以勵後况執中  
克殘狠悞慢上虐下豈可宥之上曰卿言是也授山東  
以幹濟稱云

高平縣志

卷之十三

人物

九

東西路按察使尋以病訪醫泰和五年卒上聞之嘆曰  
此人於國家宣力多矣何遽至是耶贈朝列大夫謚襄  
猷仲畧有父風剛介特立不阿權貴臨事無流滯所任  
王晦字子明少負氣自熹常慕張詠之爲人中明昌二年  
進士調長葛主簿有能聲察廉除遼東路轉運司都司  
勾判官提刑司舉其能轉北京轉運戶籍判官遷安陽  
令累除簽陝西西路按察司事改平涼治中召爲少府  
少監遷戶部郎中貞祐初或舉晦有將帥才俾募人自  
將得死士萬餘統之衛送通州粟入中都有功遷霍王

傳以部兵守驢州攻牛欄山以解通州之圍遷翰林侍  
讀學士加勸農使九月順州受兵遣人突圍召滄景別  
部主兵者不肯發故部曲王臻請變計晦曰朝廷何負  
汝耶臻曰臻雖負國不忍負公因泣下晦叱曰吾年六  
十致位三品死則吾分詎從汝耶將射之臻掩泣而去  
將士縋城出降晦被執不降遂就死初晦被執謂其愛  
將牛斗曰若能死乎曰斗蒙公見知安忍獨生併見殺  
贈榮祿大夫樞密副使命有司立碑歲時致祭錄其子  
汝霖爲筆視承奉

趙子廷幹擢進士第天興元年爲刑部郎中十一月右

高平縣志

卷之十三

人物

十

丞相延安郡忠正王僕散端孫忙押門定國軍節度使  
納坦出之子也與兄石里門及護衛顏蓋宗阿同飲忙  
押門詐以事出投北兵尙書省令楠推其家屬及同飲  
人時上下迎合必欲以知情處之忙押門妻皆被誣掠  
其母完顏氏曰忙押門通其父妾父殺此妾忙押門不  
自安遂叛求脫命而已委曲推問無知情狀省中微聞  
之名小吏郭從革論以風旨從革言之楠方食擲匕箸  
於案大言曰寧使趙楠除名亦不能屈斷無辜人遂以  
不知情奏且以妾事上聞上曰丞相功臣納坦出父子  
僕受國恩吾已保其不知情也立命赦出之人得謂楠

有于張風

路元為省曹尚書郎五典郡事不畏強禦人以路包拯呼之累遷河間按察轉運使

張國綱外柔內剛事不避難為濮州刺史死於王事

張師穎官震州均徭便民調解州沁陽令擢御史以明敏見稱授西京巡警使糾治畿輔人畏其嚴歷武寧軍節度使卒於官

張翬忠信碩大以能吏稱仕至臨橫路同知轉運使

楊公恕恭儉畏慎居官有能名仕至順天軍節度同知

作元人

高平縣志

卷之十三

人物

十一

元張寶中統間為永興路百戶適江寇為亂命寶督兵檄至即束擔以行時方元旦不少濡滯擒渠魁以歸遷都指揮僉事居家孝友脩復建寧明道先生鄉校文館教里中子弟

宋翼舉茂才異等任永寧主簿政肅刑簡至治中擢翰林學士改御史豪右歛迹憲紀貞明諸所條陳多稱旨遷淮西道廉訪使

賈魯字文恒幼負志節兩以明經領鄉貢泰定初授東平路教授除太醫院都事丁父艱起會修三史召為宋史局官遷中書省檢校上書八河倉淪沒官糧百三十萬

解其弊由富民兼併貧民流亡宜先正經界假我法察御史首言封事宜專達聖聰不宜臺臣先可否時論難之已由山北廉訪副使入爲工部郎中至正四年河決命魯行都水監魯循河道察地形往復數千里備得要害爲圖上二策其一議修築北堤以制橫潰則用工省其一議疏塞並舉挽河使東行復故道其工數倍會選中書右司郎中議未竟尋調都漕運使條奏漕政八事一京畿和羅二優恤漕司舊領漕戶三接運委官四通州總治豫定委官五船戶困於壩夫海運壞於壩戶六疏濬運河七臨清運糧萬戶府當隸漕司八宣忠船戶

高平縣志

卷之十三

人物

三

宜付本司節制不果行旣而脫脫復相集廷臣議河決或言築堤或言疏南河遣工部尙書成遵行視終莫決魯昌言必塞北河使復故道役不大興害不能已復以前二策進丞相取其後策與魯定議召入奏大稱旨十一年春命爲工部尙書總治河防使領河南北諸路軍民發汴梁大名十三路民丁十五萬廬州等戍十八翼軍二萬供役一切從事大小軍民官咸聽節度便宜與繕仍命以兵鎮之自黃陵岡南達白茅放於黃固哈只等口又自黃陵西至陽青村合於故道凡二百八十里有奇自四月鳩工七月鑿河成乃塞决河九月舟楫通

十一月諸虜堤成浚河復故道南漚於滌又東入海召  
還朝以河平圖獻超授集賢六學士勅翰林學士承旨  
歐陽元製河平碑以紀其績且宣付史館元既為碑文  
又從魯訪問方畧更質吏牘作至正河防記畧曰魯神  
色不動機解捷出進官吏工徒十餘萬人日加獎諭辭  
旨懇至衆皆感激赴工又曰魯竭其心思智計之巧乘  
其精神胆氣之壯不惜劬瘁不畏浮言以報君相知人  
之明故作記俾後之任事者知所取法云尋拜中書  
左丞十三年從平徐州脫脫命分攻濠州魯督戰誓師  
曰吾奉命統八衛軍頓兵於濠七日矣爾諸將同心協

高平縣志

卷之十三 人物

三

力必以今日取城池然後食急策馬麾進忽頭眩卒年  
五十七有旨護柩還高平賜交鈔五百錠給葬事

明賈五會魯子仕明授錦衣衛指揮聞靖難兵南下奮然  
曰世路如此禍難將及吾當死於此地集鄉兵拒敵死  
之家屬悉遭俘戮

府志作賈五  
舍辨見雜志

崔謙舉人知吳堡縣清慎惠兼之宜廟獎諭遷知懷慶府  
郭質舉人知永壽定典兩縣有廉能名憲宗賜勅褒予擢  
知光州以上中下三則均徭列郡遵為式卒於官所在  
人名宦

畢顯舉人知任邱縣剛果有為脩城池建橋梁值邊警民

特無恐轉德州及揚州府同知所在有聲遷戶部郎中  
總理遼東糧儲轉兩淮鹽運使清操惠政歷久不忘祀  
兩州名宦家居謝絕請謁尤爲里人所高所著有石屏  
文集家乘餘錄

牛輔舉人知安岳縣平易有守嚴肅有恩安岳祀名宦

郭淳成化癸卯舉人授西安同知清慎不苟取與死邊事

申良字延賢

一作延賀

弘治戊午舉人授招遠縣關石田千餘

頃山東盜起豫爲攻守具追擊盜至黃縣俘斬數百人  
已復破走之歷知諸城良鄉權貴往來要索悉拒之遷  
安吉州錦衣葉瓊倚錢寧勢占民田良奪還民瓊嗾奸

### 高平縣志

#### 卷之十三

人物

十四

人評奏事得白遷常州同知招遠民懷其政圖像祀之  
入爲戶部員外郎以諫大禮杖死贈太僕少卿

郭鑿字允重祖定成化乙未進士父坤弘治己酉舉人正  
德己卯鑿弱冠以春秋舉於鄉嘉靖壬辰中進士皆第  
四名授行人歷工禮刑戶四科給事累有建自工部尙  
書有不職者抗疏論其罪人咸爲懼已得旨落職念天  
下戶口版籍多耗寔數欲重邦本宜行攢造法章入上  
是其言行之自罷巡鹽後間遣大臣清理鹽法極不便

鑿論之遂罷遣所言皆持大體劾官邪先其急且要不  
毛舉細故變亂成法以博名高陞太常少卿以憂賜

論祭歷官工部右侍郎總理蘆溝橋元雷殿寶源局諸  
大工轉左督修京師外城工竣賜金帛加食尚書俸致  
仕年六十六卒爲文古雅簡練得左氏之體著有一泉  
文集

郭鑿字允新父城安州判官嘉靖乙未與從弟鑒同舉進  
士選庶吉士戊戌爲會試同考官辛丑除檢討丁外艱  
起陞修撰壬子典應天鄉試稱得人官祭酒端模範謹  
章程本經術以爲教陞南京工部右侍郎年六十卒賜  
諭祭鑿明於春秋清夷簡重內行篤至束身嚴而待物  
恕未嘗減否人物詩文典則有翰林詩稿國學文集家

高平縣志

卷之十三

人物

五

君集若干卷

趙軌嘉靖甲辰進士官工科時內監煬竈世宗私置禁器  
軌抗疏謫封邱丞尋復罷職隆慶初楊溥陳建言得罪  
者三十三人皆忠謹宜及時錄用詔起軌禮科值郊祀  
上戎服出軌遮道諫止疏請文廟從祀退馬融王弼進  
薛文清悉蒙嘉納官終太僕寺卿

張雲路字伯登負才識敢爲成進士官行人奉使一無所  
取爲御史巡關東振國勢懲貪帥邊境肅清已按南直  
隸風裁峻厲諸道惕息趙文華欲攘征倭功先上捷書  
熒孽撫臣曹邦輔雲路抗章論奏不報未及代爲忌者

詆諆去官

馮顛嘉靖丙午舉人慷慨有大志知武邑縣累陞南京戶部郎中遼陽僉事所歷止携一僕眷屬不與清操卓行世所罕觀

王雲衢字道亨貢生判順德會條上馬政事歸有光記其不因弊政擾民人稱遺愛遷鎮江府同知上防倭十策不報歸田後臺司薦晉布政叅議

郭東字仁府嘉靖丙辰進士歷知嘉興嵩二縣陞南京刑部主事以親老疏請終養里居十八年士大夫稱其孝歷太常卿東好讀書恭謹淡泊建盩陽書院招延文士

高平縣志

卷之十三

人物

六

一講學號石堂會爲文章典雅醇正著類博錄年八十終于嗣煥萬曆壬辰進士官至蘇州府同知亦有文集刻本

常存仁字靜甫嘉靖乙丑進士知邢臺有囚婦誣坐殺夫一罪存仁廉得其寔不以獄成枉殺急出之教諭趙某歿旅櫬不得歸捐貲助其喪擢知彰德府江寧王驕縱虐民請論如法錮鳳陽府有贖鏹萬緡存庫不取及兵餉榆林後官遣吏津送仍却之在官二十年不名一錢囊無餘貲里無餘產以清白稱

蘇民牧字乃溪厚重寡言爲名諸生登進士知長安縣提



給事歷山東川陝三任監司二十載聲績其著自一  
如寒素鄉評先達之清望首民牧焉

劉虞夔字和宇七歲能文十六魁選十九登隆慶辛未進  
士居翰林於書無不窺爲文有深湛之思代王言考義  
選詞溫醇典藻與黃葵陽沈蛟門齊名在經筵多所啟  
沃嘗說詩夜如何其章反覆發明人主憂勤之念上改  
容嘉其稱職庚辰癸未分校禮闈蕭良有鄒德溥梅國  
正皆其所取士晉詹事府詹事以母喪歸服闋會有詔  
修國史閣臣王錫爵舉爲副總裁給事遂中立劾之虞  
夔亦具疏請終養無何父卒居喪哀毀不勝卒於苦次

高平縣志

卷之十三

人物

七

年四十有五廬居馳疏奏建儲事不果自署曰漆室  
枕有宮詹文集行世

馮養志字若曾顛會孫進士知洛川不事苛察折獄惟良  
撫民有恩歷任邱縣遷文選司員外郎以事調判長蘆  
雖以介直見謫而忠愛之忱當時之慮未嘗少置居鄉  
謙抑謹厚人樂親之

李向春貢士知西鄉縣性孤介忤上官罷職行李蕭然民  
遮道攀留幾不能前邑祀名宦孫棠馥別傳

楊暗字杏園崇禎十三年進士知渭南縣歲大凶力爲拯  
救緝奸人斃於杖民稍獲安者最關中第一十六年六

月亭自以抵渭南墮已摧兵部三事本行籍子弟嬰城  
固守邑人開門迎賊被執索印不與詎罵死時少壯春  
秋爲文皆深澹折晚歲登第奉職死節贈陝西按察僉  
事廕子廟食渭南

張國綱諸生舊志云孝友著爲家範嫺睦重夫鄉評質粹  
擬金性溫如玉享耄耋之報壽考維祺垂子姓之休科  
目特盛

李濬慶棠馥父廩生舊志云德聞閭里譽重膠庠至性順  
親屢獎行優而弗愧義方教子克振令緒以垂光至於  
俎豆百世父子同堂誠希世之榮寔濟美之盛者也

高平縣志

卷之十三

人物

六

李時漸藻父諸生舊志云秉性清嚴淑躬端雅順親迪子  
名標孝義之堂急病讓夷譽起睦婣之里善著一鄉祀  
馨奕世

國朝王邦柱字石寧前進士入

國朝官大理卿出入侍從著作頗多亂後失編歿贈工部  
右侍郎卹典甚脩

李藻字鑑明號慶餘前辛酉舉人知保定縣調大成已而  
知涿州所至有聲擢兵部職方司員外郎以知兵稱遷  
遵化監軍道屬弁陳銅金曩中詭以密進立糾之調湖  
廣沔陽道彙官將歸浮沉楚地會大將軍帥兵南下聞

其才委署湖廣按察使兼武漢兵巡道尋授辰常參事  
道歷順慶叅議襄陽副使以卓異內陞太常寺少卿在  
順慶時方鎖闈試士賊忽擁眾至諸生洶洶將散走桐  
官錯愕藻時爲提調能以整暇竣試事在襄陽議復均  
州襄陽城門久燬潛度尺寸密爲門夜由水道載入翼  
日鎖鑰屹然居太常未幾遷通政使司右通政再遷宗  
人府丞加一級遂擢刑部右侍郎加尙書服俸以疾乞  
休蒙慰留卒於官卹典有加

崔子明字見心進士父堂應痺以子明累年視藥裏竟忘  
其病知葉縣蘇駟困興水利弭盜救荒民多賴之遷計

高平縣志

卷之十三

人物

五

曹視通州倉清介著聞卒於官著有讀書聲經國大業  
丹頭地等書受業從弟光嵩副榜知溧陽縣歸而讀易  
賣藥畢振姬與友善歿志之

畢振姬字亮四號王孫又號頡雲世爲農八歲向學讀書  
五行並下師事山東王漢河南李政修中前壬子鄉試  
第一

國朝順治丙戌成進士授平陽府教授入爲國子監助教  
遷刑部主事歷員外郎公餘坐卧黃埃黑竈瓦燈布被  
中伏讀不休時稱爲有官僧癸巳出分守濟南叅議道  
歲旱盜王顯張甚流民盤踞峒巖拔如日夜馳二百里

安插七千口有奇供軍需數十萬泰山香稅羨餘歲給  
公使費至是充餉七千餘巡廣東兵脩驛傳水利時三  
藩四院使如織立約束無派無折減船減費六七千有  
奇又遷金衢道左叅政尋擢廣西按察使殫力梳爬平  
反叅挾兌等大獄七十餘案獲玉璽將軍印纍纍海峽  
宿患胥平經畧洪承疇奇其才題陞湖廣布政使端給  
大軍進勦餉振姬決去自破其面乘一乳馬疾馳歸密  
官任返胥一僕一馬食無兼味身無更代衣三娶無衣  
帛之妾所至率曉夜力學以爲常里居置祭田義田役  
田戴笠耕耨暇輒授後學有師法康熙戊午以三藩數

高平縣志

卷之十三

人物

二十

西南復用兵劉司寇健魏司憲象樞疏檄徵不起與魏  
司憲書規畫三藩事卒如其策卒年六十有九著有尙  
書註西河遺教四州文獻三川別誌爲文主春秋內外  
傳奧古堅鬱得之管子爲多太原傅山題曰西莊之文  
李棠馥字子棻號漢清順治丙戌進士授刑部河南司主  
事歷四川司員外郎遷郎中精研律意而本以寬恕尙  
書黨公亟稱之戊子同考順天鄉試所拔多名宿出督  
湖南學能以經術佐風藻楚士翕然歎歸服除補湖廣  
荆西道時西山遺孽未靖師過議雜處民間力持不可  
往復爭論卒得請大將軍營郊外澗里安堵遷陝西驛

葛道調使駟故難支大兵進取三川鄰駟協錄又不以時至疏請如額數從本駟解項兌支而以他駟協者解司庫諸駟獲蘇遷督糧道左叅政尋陞四川按察使在蜀一年起授兵部右侍郎謝病歸丁未奉例入京師補總督倉場改兵部右侍郎未幾以年老乞致仕歸居鄉出白金勸葬淹柩設藥局以拯疾苦徜徉茶谷中展閱經史甲寅輸糧一千石上佐軍餉比卒手書囑子猶以未報

國恩爲恨云

張沂號壺陽少工書有文譽順治乙酉丙戌聯捷進士始

高平縣志

卷之十三

人物

三

弱冠授庶吉士改禮曹歷任江西河南福建浙江直隸陝西糧駟監守巡道所至有聲遷貴州按察使尋遷福建布政使巡撫湖廣居官勤敏善理繁劇馭屬吏寬嚴並用家庭友愛諸弟俸廉不以分文自私晚年失職亦無戚戚容著有壺陽集藏於家

趙介字岸鳧進士知金壇縣政令寬大不急繭絲訟獄衰息官金常塵以里民夾和倉米事奪職父老泣留不得建祠龍山介半肩行李歸與故舊長吟送老四十年卒遺命不誌不銘子箴舉人官臨晉教諭克守先業

田逢吉字凝只順治乙未進士選庶吉士授編修累官內

國史院學士終浙江巡撫逢吉年五歲父馭遠爲流賊所執以刃脇之號泣父傍若請代狀賊感動得無害在翰林戊戌分校庚戌主試所拔取士如孝感安溪遂寧太倉崑山卽墨武進蔣氏平湖諸公後皆爲當世名臣任學士日或議出穀貸民秋成後少收其息逢吉日此與青苗法何異事獲寢嘗奉使賑淮陽奏請寬逃人禁使流移者獲隨地收養全活無算及巡撫浙江適耿逆亂李制府之芳督師金衢逢吉留會城治軍務早夜不少休久之以勞成疾告歸卒於家

張彥珩先世洛陽人闖賊破洛潯亂來高平乙酉登豫賢

高平縣志

卷之十三

人物

三

書次年成進士授戶部主事遷員外郎出爲興化知府時寇氛猖獗籌餉禦侮賴以底平績聞擢粵東兵備道兼學使海外兵氛未靖彥珩勦撫安輯之艱起補四川糧道大軍勦水西職在輓運師徒宿飽曾不擾民遷雲南按察使未幾擢楚藩安民察吏江漢化行兩以巡撫推決意告歸優游林下年八十六卒

李崇禧崇馥弟性孝友有幹才嘗奉母守堡解劇賊之圍以拔貢授兗州通判汰蠹役明聽斷監視潛盜稱平允註謨歸與兄白首相對友愛尤篤年七十九卒

李維震字中明兵部侍郎崇禎子性明敏以中鮮兄弟

美理家流 業舉子業進之心古學侍郎魏年 疏稿於其出  
其手者以 恩蔭宜擢以六品京官父命之仕以兒形卑  
影隻父母桑榆願終侍養也父歿服闋授光祿寺珍饈  
署正一切陋規毅然屏除奉送 御物將以精誠上官  
不敢彈駁復褒荐焉會病告歸卒

李培壽字柱石永和訓導內閣中書工文勵行事親極  
誠政父歿以祇父者恭兄焉性朴素敝衣糲食不嘗寒  
暖好施予承父遺訓設藥局濟人歲飢煮粥以活貧者  
府志稱其居家雍睦孝友可風蓋實錄云

在縣監戶部主事子明子以廩生入監得麻城令懲奸賊

### 高平縣志

### 卷之十三

人物

三

荒民懷吏畏滇逆未平軍需旁午悉立辦遷慶陽司馬  
駉寧夏五衛軍胥受節制調劑有方艱起補真定同知  
分理宣鎮悉心籌畫民安事集會裁缺歸不赴補

鄭俊甲辰進士少以孝友聞登第後邑侯自勸之仕以親  
老辭後家貧甚父促以祿養乃出知海康縣治處東南  
隅不獲迎養不得已履任一以孝弟化民民感之治行  
報最擢吏部主事尋遷稽勲文選司員外郎晉考功郎  
中力請終養歸

崔涵鑿子明子以能書充史館筆札議叙授江南麗江通  
判不赴後補廬州判剔漕弊著聲攝知英山事除耗羨

署合肥徼逋祛蠹地當衝繁值歲饑多方賑卹心力勞瘁卒於官

光復丁丑進士早孤事母盡孝下帷攻苦年五十始登第授鄒縣令鄒衝邑號難治光復絕苞苴嚴令甲訟無寬民時有水患捐金代民補租歲飢詳請賑給不先會總河道鄒復請得藉粟萬石民全活無算流亡來歸復給牛種俾來春得力田民以蘇艱歸起補蒲江地瘠民稀徂徠撫循民方接踵歸樂土光復猝遘疾卒於官

田長文字近庭逢吉孫少好學事祖若父以孝聞中康熙己丑進士授鎮海令邑濱海舊有海塘禦鹹潮蓄淡水

高平縣志

卷之十三

人物

十四

以資灌溉歲久多圯請米千石脩築完固穿山土塘捐貲易之以石民永賴之有三水河年久淤淺其鄉每苦旱而收薄令民分段挑濬深通下流復建石閘以便蓄洩使瘠壤頓成膏腴有言開墾荒蕩者條其害力却之有請稅漁船者陳其苦獲免焉毀淫祠作書院延師以教其鄉人署鄆縣歲荒勸賑請弛海禁招商運米至數十萬價減民濟爲治一以體察地方利弊爲急陋規一無沾染丁父艱起還浙補淳安因病請告制府以良吏未可輕去不允未幾卒

而次何守慮庭曰此文弟世孝友學務純純於年食保試輒



冠其曹康熙甲午舉於鄉授通州同知分守糧捕沙地濱海俗悍民刁盜賊出沒次何嚴於稽察控馭有方積匪斂迹以疾去補長治教諭勤誘掖精講貫凡經指授者爲文章有法度嘗云爵祿不在崇卑但隨分盡職即一上不負國下不負所學也告歸卒

崔文煌字郁周少好學有聲庠序由明經授西寧令一以興利除弊懲奸植良爲務有制府吏以抽查稅務至邑徵求無厭民不堪廉得之置諸法制府深器之逆犯李九桃事發奸民入黨者東安十一州縣皆有寧邑獨無制府喟然曰非良吏嚴明化導不至此欲上其狀辭曰

高平縣志 卷之十三 人物 三

民自畏法耳令何與焉以疾告歸寧邑地窪下倉儲多一霧漫去之日猶捐俸購穀爲民歉歲計居鄉儻有大節遇艱鉅事力爲之倡素交愛同懷弟卒亦以憂終

姬士麟字文叔少穎悟師事胞兄甲午經魁繩錦文有法則善詩工書康熙庚子舉於鄉年甫弱冠出知金壇縣事邑號疲難下車後絕請謁催科有法民安之歷署松江海防同知海州沐陽縣事沐陽濱海旱潦不常爲疏水源備蓄洩民以爲德庚午壬申分校江南鄉闈所拔胥知名士卒於沐陽任

牛宗文字吉人乾隆甲子乙丑聯捷進士性樂易未嘗與

物粹于書無所不窺而遐然如不足歷知山東臨朐堂  
邑郟城三縣無赫赫名去則每係人思自郟城告養世  
歸掌崇正書院教言行身化抗師道以啟迪後進每日  
吾以母老不克仕以展所學教育人材亦儒者事也未  
幾卒

按舊志人物分忠烈賢良通志云非忠烈無以爲人  
一物愚謂第曰賢良亦未足以盡人物也官有崇卑遇  
有夷險士君子量能而進誠能上不負君下不負民  
中不負所學德言與功業近不朽斯亦不虛生於天  
地間矣豐功偉烈固足以震耀古今一節之奇詎不

高平縣志

卷之十三

人物

三

堪留傳簡册耶右所列諸君子行事不必盡赫赫一  
時要以見一邑人材後先輝映嗣是者覽而興起焉  
非徒脩掌故已也

泃志拾遺辨鄉賢云吾邑鄉賢祠凡三十八人具於  
州志其非吾邑而誤入者六人虞溥郗鑒徐招檀翥  
蔡襲田宏也其不入祠而誤載入人物者四人李賢  
蔡祐王叔和王友直也晉書虞溥高平昌邑人郗鑒  
高平金鄉人北史徐招檀翥俱高平金鄉人是皆充  
州之高平特去其昌邑金鄉等字耳李賢蔡祐田弘  
周書皆有傳襲則祐之父也李賢之先隴西蔡祐之

先陳留田弘爲原州刺史本傳謂以衣錦榮之考其  
詞事皆涇原之高平也王叔和史無其傳相傳爲西  
晉高平人吾邑在西晉無高平之名今王寺村之蔡  
磯古蹟蓋亦後人傳會耳宋史以王友直爲博州高  
平人宋地理志博州無高平或高唐博平之誤故其  
起義勤王自稱河北安撫使夫鄉賢之祠附於文廟  
當時草舉充數有司相沿不復考正遂載祀典今之  
在祠者非奉上文不敢驟撤而其寔則不可不辨故  
詳其相沿之誤以俟更定而人物傳中直刪去不載  
至其他之誤且濫者盡爲別白而廓清之則吾邑之

高平縣志

卷之十三

人物

三

人物著矣

按虞溥諸人非產於此確然無疑愚意王之在祠者  
既不能撤人物傳中刪去不載轉滋後人之疑不若  
仍舊錄存諸傳俾後之覽者一見了然知爲誤入或  
有從而更定之者辨証非苛抑亦論而不議之意

自一畫開天文明肇啟六經而後錯槩紛紜藝圃遊心  
詞壇騁轡兼華寔研極精英家握靈蛇之珠人編巖  
山之玉固已汗牛充棟亦且雲散烟霏然而片石可  
碎金足尚起衰式靡詎必韓歐傳後信今寧惟賈董其  
有聲蜚學海業在名山或經術湛深通文章於政事或  
辭華豐蔚足鼓吹夫休明諒亦琬琰同珍日星交炳矣  
西北人文唐虞爲盛嗣是人矜綜博代有英賢靈秀所  
鍾山川發采列諸作者想見其人蓋一邑所傳寔千秋  
並永也志文苑

高平縣志

卷之十三

文苑

三

後魏檀翥少喪父好讀書善屬文爲世所重孝武時除中  
書舍人兼脩國史大統初以迎駕功封高唐子

南北朝張文舉通春秋三傳幼負才名時士翕然宗之性  
恬逸不樂仕進

隋王畧爲國子監祭酒羽翼聖教闡發微言精易象春秋  
及遷史

宋李大師唐福王綰之裔長於春秋毛詩尤諳天文地理  
之學志尚高潔恥爲一切巧僞之事里人推爲長者

異大節孫受韻於大愚公有切韻門庭行於世次  
亦工詩中州集載其詩有云少年日日醉花邊  
長

紅一一憐自笑老來心尚在惡風常廢五更眠又賦梅  
云冰骨有香魂乍返玉顏無暈酒全消可知其風致矣  
金晁會字公錫宋文元公迴之後爲和未中武舉仕爲太  
子洗馬天眷二年經義進士經靖康之亂生徙解散會  
誘進之貧不能就舉者必厚爲津遣在官輒分俸給之  
李承旨晏昆仲皆出其門士論歸焉歷虞鄉猗氏臨晉  
三縣令以興平軍節度副使致仕年七十八卒詩號注  
水集宦况薄於重權酒瓜期近似欲殘琴烟藏芳樹遠  
雲補斷山齊所傳佳句也孫國章字公憲李承旨外孫  
隱居教養繼攝振者肅然如在官府進退拱揖皆可觀  
蓋其家法云

高平縣志

卷之十三

文苑

三

趙可字獻之貞元二年進士仕至直學士高才博學卓犖  
不羈有聲場屋後入翰林一時詔誥多出其手流輩服  
其典雅常奉使高麗其詩歌樂府尤工號玉峯散人集  
于述字勉叔承安二年進士詞章字畫皆有父風性落  
魄嗜酒側儻卒以樂死

李承旨晏見所作上梁文賞之勉使就學年  
六十一登科歷河南府教授河陽丞宜陽令有政績後  
居宜陽年八十三卒洵有詩學以鞏原及赤壁圖詩著

中萬全字百勝兄無夷字百福崇慶二年進士萬全少有  
聲太學中貞祐二年乙科調福昌簿不赴隱居盧氏山  
中以讀書爲業作詩有靜功正大中召爲史館編修從  
行省慶山南征道中有詩云人生行止原無定一葦江  
湖縱所如不數日溺水死人以爲憾云

陳載力學安貧日誦數千言明昌間舉經義第一名在翰  
院十年著述甚富

朱景初任平原教授以經術廸士歷宰晉城鄉寧平潭三  
邑後家居七年朝論高之擢國史編脩至諭德卒於官  
元李純父仲紳金奉政大夫純幼習父業常帶經而鋤中

高平縣志

卷之十三

文苑

三

統庚申詣京執政者嘉其雄辨授中書遷臨漳簿

元凱有文學爲時稱譽隱居不仕以德義表率鄉閭著述  
窮極天人發前賢所未發士多傳誦之

明郭定成化乙未進士光州知州質子性穎異好學工詩  
翰登第後宰執稱其文幹兩優官知州

國朝王奕駒號西村康熙壬午舉人才猷揮霍以豪傑自  
負遇事敢爲罹事被繫請學著書不少芥蒂徙閩中寧  
家去人以非罪爲抱屈駒安之著有丁甲虎尾集

牛兆捷字澱洋己未進士少師事傅山畢振姬有器識任  
灌陽令教民敦禮議課農桑成士類多造清班邑人

建祠祀之著有國史草十卷在灌陽刻畢氏西北文集  
四卷

牛兆鼎字瀚洋捷弟與兄同師事畢振姬博學工文著有  
南園詩草纂輯左傳十國紀事本末叙論評騭莊子文  
選及李義山詩集頗能發前人所未發繼畢堅毅與兄  
主壇坫者三十年卒老於諸生

畢濛字菴綺癸巳進士中書舍人轉典籍補正定府同知  
端雅廉靜文如其人所至有政績既告歸澹泊自甘鄉  
里高其品望四與賓筵著有知非集宦遊集晚年自作  
拙叟傳士林稱爲實錄云

高平縣志

卷之十三 文苑

三

姬鼎燕孝廉顯廷子性簡介工詩著苦吟集州牧陶自悅  
賞識之與纂州志

神瑾字蘭懷少以孝友聞諸生屢困場屋年五十遂不應  
試蕭然高奇吟咏性情邃於史學纂通鑑編年錄百餘  
卷與綱目相出入年七十猶繙閱不厭作詩不名一家  
著有龍右詩句雞肋集行世若秋興詩露冷空山蘭自  
老風清荒徑菊無聊句可以想其懷抱矣年七十二卒  
鄒承穎字敦復少食餼庠序有聲年二十七拔貢沉酣經  
籍發爲舉子業理法謹嚴甲戌成進士授蒲郡教授課  
士有程不愧師儒之選好學力行至老不倦人推真儒

者焉

趙瑋字泣玉性明厚爲人疎秀光昌困於場屋力學愈勤  
經史子集手抄定本時作詩歌以自適著有安命集卒  
老於諸生

趙雲漢字景畧性鯁直不慕榮利家貧好讀書食餼庠序  
有文譽尤善楷法深於易理精卜筮決疑如響屢困場  
屋及貢年自決壽終其於六十四卦悉楷書繪圖一字  
不苟將終命子孫曰字可習耳非欲汝精卜筮也平生  
所著詩賦力不能梓雖多散亡學者傳習猶廣焉

秦之驛字龍峯辛酉拔貢年十一能文父師奇之十六而

高平縣志

卷之十三

文苑

三

孤服闋入泮試輒高等行裕經明文爲一時之雋惜昵  
於場屋以終

李培蔭字菱石貢士品端行潔通經學善詩詞古文父饒  
侍養浼滌廁踰皆躬爲之閱衣不解帶者數載司訓忻  
州講明正學士皆向風卒於任著有菊圃詩草學園墓  
古文集

石申玉字米袖出自寒微九歲遊鄰館久之不去館師楊  
彤授之書隨口成誦奇之教以經傳及詩賦古文詞  
十八歲師歿不屑屑舉子業奇窮苦學博覽群書著有  
句典摘萃數十卷詩賦才情煥發其他文健筆卓識幾



治古人中年隱於醫著傷寒傳是血症瑣言本草談真  
雜症瑣言四集活人無算時稱華董云

司昌齡字靜山廩貢生候選訓導少精勤問學於書無所  
不研究雍正末當事荐舉鴻博不赴中年棄舉子業殫  
心著述口誦手抄至老不倦著有十一史精華七十二  
卷又選古文精華並著泣文脩徵泣志拾遺等書性高  
雅足跡不入城市二十餘年一邑推爲文獻延修邑志  
以老辭其泣志拾遺今志多採錄書成並訂証焉

按上世之文盛於西北後亦寢衰矣顧一二好古力  
學之士往往沉酣經籍矻矻白首發爲文章俱期羽  
翼經傳其精心果力誠有不可泯者高平學者代有  
觀其述作雖未必盡足以傳要皆沉潛刻苦不徒爲  
獵取功名之具後進之士亦可知所興起矣牖中窺  
月顯處望日詎必存軒輊於其間歟